


GYIDIE NTI NA, MOSE

 Meda w'ase, Onuabarima Neville. Me ma mo akye, anuanom. Eye se yewo ha enne wo asorefie ha. Na me dwenee se ebia se me nyaa Onuabarima Neville maa no kasaa anopa yi a, anka mebɔ mmɔden anadwo yi. Na afei na merehwe se Kwasiada sukuu bi bewo ho anopa yi. Na deɛ a . . . Eye Awurade pe a, yebɛbo mmɔden aye—aye Kwasiada sukuu adesua no.

² Afei, eye nnawɔtwe mmienu ni, ebeye, efiri se me baaɛ. Na manya ahopopɔ paa sɛdeɛ mo te aseɛ no, se, wo adwuma no mu no, me brɛ, yie paa na aye den se meko animu. Na afei eɛ se me ba debɛgye m'ahome kakra. Na me de beye nna mmiensa ako Wolf Creek Dam, ewo Kentucky, baabi a wɔwoo me no. Me dwenee se, “Oh, seesei manya atenka nwanwasoɔ bi. Me ho ye.”

³ Na mesane baa fie, na ade ketewa a ediikan hyiaa me ye aban asem bi a efa etoɔ ho. Me sane ko fam bio paa. Enti me hunuu se ebɛboro nnawɔtwe baako anaase mmienu na mede behome.

⁴ Na me som adwuma no reye asakyera seesei. Na me nhyehyeɛ nhyiamu biara. Na eno nti na matwe me ho kakra, na me dwene se, na afei nnawɔtwe kakra a edisoɔ yi, mehhome, ahome paa, na matwene Awurade anim.

⁵ Na mo mu nnipa bebree a mo wo ha no, a moye-adadafoɔ no, a mo ne yen atena akyeree paa no, mokae deɛ Awurade aka akyere yen no, Waye no bere biara deɛ Okaa se Obeye no.

⁶ Monkae, wo mfitiaseɛ paa no, ewo asore ha, anopa no a yetoo asorefie yi fapem no, senea Ono . . . Matwere, ena mede ahye oboɔ no mu, ewo me Twerɛ Kronkron akyire krataa so. Saa anopa no, saa anisoadehunu keɛseɛ no, okaa se, “Yei nye w'asorefie.”

⁷ Me kaa se, “Ewo hen, Awurade?” Ode me kotenaa osoro ase. Ena Enne bi baaɛ. Na mehwɛɛɛ ena me hunuu asennua mmiensa, te se, nnua a aba wo soɔ, te saa. Mo nim deɛ anisoadehunu no kyere. Matwere no, mfinrhyia pii ni.

⁸ Me faa, eɛda bi, nwoma dada bi wo ho, merekenkan nnooma no bi a na Awurade aka, wadikan aka; a aba atwam dada. Efa mmɔfra nnooma yi ho, ene senea oko yi beba, na saa nnooma no nyinaa aba mu.

⁹ Nnooma mmienu na aka, ewo saa nkɔmhye akeseɛ no mu baako. Eno ye, teaseenam a ede afidie na enam kwan so, a ete se kosua, a wo na wobedanedane no. Eno ara edane dane ne ho. Na afei oɔbaa keɛseɛ bi besore, efiri se Amerika ye oɔbaa mman. Na ebe . . . Oɔbaa keɛseɛ bi besore, na wabeye Omanpanin anaase biribi te saa, wo oman no mu. Na afei oseseɛ a ebetore aseɛ koraa na ebɛba. Wɔbɛpepa oman mu no nyinaa afiri ho.

¹⁰ Na, se, mehye nkóm. . . Afei enye Awurade na ɔreka yei. (Ɔfoforɔ no, efa ɔbaa no ho no, eye, eye Awurade no.) Nanso me hyee nkóm, wɔ 1933, se ewiase behyia ɔseee a ebetɔre asee koraa ansana '77.

¹¹ Enti, na me nnim se wɔwɔ biribi a ebetumi atɔre asee koraa sedee wɔwɔ seesei, nanso me hunuu ɔman no wɔ ɔseee etɔre asee koraa, ekaa nnunsini ene nnoɔma te, saa.

¹² Enti, enam ne kwan so. Na se saa nnoɔma yinom nyinaa aba mu sedee Ɔkaa no a, eno nso beye saa, sedee Ɔkaa no wɔ Twarsem mu wɔ ha, deɛ Ɔka no, se Kristo baee deɛ edikan a, Ɖbeba deɛ etaso mmien. Na nnoɔma a Ɖkaae no nyinaa beba mu. Na nokɔre ni yerehunu yei, na yenim se yere. . . aka kakraabi na wɔabɔ yen nkekanee, se ɔman, yenim se Asafo no rebɛko Ohwim No mu. Ekanyan ɔsofoɔ bi akoma, anaase asɔreba biara, se ɔbehunu se yewɔ saa da yi mu ene bere a yete mu. Eye bere kesee a obi atena asase yi so pen, eye seesei ara; ene se, de ma Asafo no. Enti, nokɔre ni me hia mo mpaee.

¹³ Na afei mahu wɔ asɔrefie ha, ena mahu se wɔre. . . wɔre beto-aba bio ene biribiara, wɔ asafo no mu, de ama ahwefoɔ ene dee ekaho.

¹⁴ Na—na asafo no hia nhyiamu kakra, nkanyan kakra. Na moye me adɔee bere biara, na mohyira me. Na se me wɔ ha yi, ase aye nhyira ama mo. Na me wɔ ahotosoɔ, se me ne mo wɔ ho yi, aye nhyira ama me. Na bere biara mo gye deɛ me ka to mu se eye Nokore, sedee mehu no wɔ Nyankopɔn mu. Na me—mani sɔ saa.

¹⁵ Enti afei, mefirii asee, na afei na ese se me hwehwe mu, na me toto asafo no yie, ewɔ wɔn ahwefoɔ, na afei de ma abatoɔ no ene dee ekaho. Na afei—afei, me dwene se, eno akyi no, meko na makɔhome kakra ansana makɔta adwuma no so bio.

¹⁶ Momma no ntena mo nkoara mo mu. Afei, enye abɔtenesofoɔ dea. Eye asɔrefie yi dea. Yerepe nhyiamu ama asɔrefie yi, sedee biribiara, ene mfomsoɔ biara, biribiara a akɔso, ene ebia atenka kakra bi a efiri ɔfoforɔ bi ho; yeinom, merebeyi emu baako biara na me de aba animu-ne-animu. Enti se wompɛse wo ne no di ahya a, ebeye se wobefiri ɔman no mu; efiri se wo ne emu biara rebɛdi ahya animu-ne-animu, te se deɛ na yeye wɔ asɔrefie ha no. Na yen nyinaa aye nam, efiri se yeye nuammarimanom ene nuammaanom a yekɔ awurade adidi, Kristo Nipadua no, a yewɔ nhyira pono no so. Na enye hwee gyese bonsam na ɔbeye biribiara a enye adepa, na wama yanya atenka bɔne, anaase watete yen mu, anaase biribiara a ete saa. Na merefa Yennuabarima Neville, na yakyini akɔ mmeae mmeae, na yede nnipa aba, nkabom, kɔsi se asɔrefie dada no besane aba, y'atim no bio, wɔ ne nan so, na yakɔ yanim ama Onyankopɔn Ahennie no. Afei, yei, nti na ma ka yei, efiri se eye yen kuo kakra a ewɔ ha anɔpa yi.

17 Na afei merekogye m'ahome kakra, na mesane makyi ntemntem so sɛdeɛ metumi. Afei merehwe sɛ mɛkɔ adwuma so bio. Na bere yi, sɛ eye Awurade pɛ a, me pɛ sɛ me fa sika kakra y'aboano, ɛne deɛ ekaho, ama me, apue wɔ. . . saa amanɔne asɛmpatre nhyehyɛɛ no. Na menya ntomadan foforo, ɛne mfidie foforo, na me firi adwuma ase. ɛnye sɛ merefiri asafo mu ako asafo mu, na mmom yɛbɛkɔ yɛn ara nhyiamu.

18 Afei, ɛnye sɛ me mmu anuanom a wato nsa afre me no, a eye paa. Nanso ne nyinaa mu no, mo mohunu saa nhyiamu no, wɔka sɛ wobɛba hɔ, na afei mo nnafonom nyinaa bɛba, na afei dede pii bɛkɔso de apɛ sika. Sɛ ɛbenwunu nnipa no. Mafiri aseɛ rehunu saa adeɛ no mu, monim. Enti saa—saa nye adepa. Yɛpɛ sɛ yenya baabi a yɛbetumi de wɔn aba. Enhia sɛ wo de wo sika bɛba. Wo deɛ bra, wo ara, na—na bɛsom Awurade. Wahu? Na enti afei. . .

19 Na me somadwuma no asesa seesei ara. Mo kae bere a na me sɔ onipa no nsa, na magyina hɔ, na Awurade aka wɔn haw akyere mɛ. Ɔkaa sɛ, “Afei ɛbɛba sɛ, wobɛhunu nnipa no akoma mu asumasem.” Mo mu biara nim sɛ ɛbaa mu pɛpɛpɛ sɛdeɛ Ɔkaa no. Afei yei ne anamɔntuo a ɛdisoɔ, a wahyɛ ho nkɔm na waka ato hɔ, a ɛrebɛsɛne ɛmu biara koraa, mo ahu. Na seesei ara ɛwɔ nsakyeræ mu.

20 Na ɛno nti na Satan ne me reko wɔ ɛtoɔ ho no, ɔrebɔ mmɔden aka akyere mɛ sɛ, eye aban no, me de no ɛtoɔ ka wɔ kaprɛ biara a magye, sɛ ɔsɔfoɔ, ɛfiri mfirmhyia aduonu-nson a abesene korɔ, a me baa ɔsomdwumadie yi mu. ɛnte saa, ɛfiri sɛ ɛfaa asafo no mu wɔ ha.

21 Me na me hwɛ asafo yi agyapadeɛ so. ɛno ye nokore paa. ɛwɔ nkrataa so wɔ ha. Enti, afei, sɛ me na me hwɛ agyapadeɛ so-ye fotosanfoɔ ma asafo yi a, ɛnneɛ na biribiara nni wiase. . . Aban no nni hwee ye wɔ ho. ɛnye asafo no na wɔrebisa no biribi. Wɔrebisa me a me ye asafo no fotosanfoɔ no. ɛna wɔn a wɔhwɛ agyapadeɛ so no aye nkrataa wɔ sikakorabea hɔ, sɛ me sika nyinaa. . . Sɛ anka menya me ara me fapem no, me de faa m'asafo mu wɔ ha, ɛfiri sɛ eye fapem, sɛ ɛtee biara.

22 Na sɛ me ye no saa a, ɛboa me ma mennwane mfiri asafo no mu na menfiri mu, na sɛ me pue a na biribiara nni ha. Akyire no mahyɛ nnipa no bɔ sɛ mesane aba asafo no mu, bere to bere, na maboa wɔn. ɛno nti na maye no saa, ɛfiri sɛ mahyɛ mo nnipa no bɔ. ɛno nti na maye no saa kwan no so no, sɛ anka menya no sɛ ɔbaakofɔ deɛ. Afei, sɛ wo ye saa a, ɛma no ye ɛkuo. Na me tia ɛkuo paa yie. Enti mɛ—mɛgya no sɛdeɛ ɛtee yi ara, wɔ Nyankopɔn nsam, sɛdeɛ yɛbetumi akɔso de ama Onyankopɔn Ahennie no.

23 Afei, anɔpa yi, yɛpɛ sɛ yesua nhyira Asem dada yi, na yɛgyedi.

24 Afei, mɛpɛ sɛ me ka, nso. . . Me hunu Onuabarima Egan ɛne dodoo, wɔn a wɔhwɛ yɛn agyapadeɛ so no bi te ha, akyire yi a yɛyɛɛ nhyiamu maa wɔn a wɔhwɛ yɛn agyapadeɛ soɔ no, anadwo

no; eyε nokore, me kaa no badwamu, se mo nyinaa mo mu biara nye a—a wanyi no se wɔhwe yen agyapadeε so bio. Wɔayi mo se wɔn a wɔhwe yen agyapadeε so, na mo din wɔ nkrataa mu. Ne nyinaa ye.

²⁵ Na afei wɔrebeto aba bio ayi—ayi asomfoɔ, ene deε ekaho. Na Onuabarima Neville, befre wɔn se ɔsom yi ba awieε a, ne nyinaa ye, ene fotosanfoɔ no ene deε ekaho, bere a yeretoto asafo no. Mongye, akwan ahodoɔ nyinaa, yasiesie, afei na yetumi nya ɔhyewbɔ bere a ereba.

²⁶ Afei, ansana yebɛdane akɔ krataafa a εwɔ ha yi, de ma yen Kwasiada sukuu adesua no, akɔ saa Onyankopɔn teasefoɔ Asem kesee yi so, momma yensi yen tiri ase, bere kakraa bi, bere a yerekasa akyerε Nwoma yi Twerεfoɔ no. Na afei mo mfa adwendwene biara nto nkyen, biribiara a εbɔ abira, a εbesi wo nhyira ho kwan.

Momma yεmmɔ mpaεε.

²⁷ Kronkron paa ara ene Onyankopɔn teneneeni, yaba seesei wɔ Wo nhyira Anima eso no mu, yede yen bra ma Wo se afɔdeε, εna yen—yen kra, ene yen nipadua, ene yen som, ene yen adom akyedeε. Ene deε yewɔ nyinaa, yede ne nyinaa ma Wo. Na sedεε Wo hwe yen yi, Awurade, se bɔne biara a εho da hɔ na yεmpaεemu nkaaεε wɔ hɔ a, yebɛbisa Wo, O Awurade Nyankopɔn, se Wo de Wo Ba Yesu, Mogya no, beko saa beaε hɔ. Se, yehunu se yetɔsin wɔ yen ara mu, na εhɔ no erenyeyie se yebetumi ahwe-yenho so. Mmom yede yen ho to Ne Mogya a εsombɔ no so korakora, na N'adom no nnye yen dea, se yen nebɔneyefoɔ a yεmfata βetumi aba W'Animpa mu akokoɔduruso wɔ da bi, a yede Awurade Yesu Mogya yi redi y'anim aba. Deε, Wo, mmerε a atwa mu, wagye ato mu se eyε Wo dɔ Ba baako a wɔwoo no no Mogya, εna wahye bɔ, se, "Enam ɔno so, se yeka yen bɔne a, N'adom nti wɔbebu yen bem."

²⁸ Na afei yebɛbisa, Awurade, se Wo de yen mfomsoɔ biara bekye yen, bɔne biara a yaye anaase deε yannyε, mmarato, se adwene bɔne biara awura yen kra mu a, enam bonsam bεma a eredεre so, se Wobεpam saa Wo tamfoɔ bɔne yi afiri hɔ, ɔye Wo nkurɔfoɔ yi deε.

²⁹ Na yebɛbisa se Wobesoma Honhon Kronkron no abefa Asem no saa bere yi, bere a yede yen ho rema se akodeε, na Wakasa afa yen mu, na watie afa yen mu, eyε W'Asεm. Na ma yen nso ngye No sεdeε εfiri Wɔɔ, na yεmfiri saa beaε yi, εnne, wɔ atenka se wɔahyehye-yen foforɔ abesi Kristo kwan so; sεdeε yebεfata yie de ama anadwo yi ene ɔkyena som no, εsiane Honhom Kronkron nsra no nti.

³⁰ Hyira yen nuanom a wɔwɔ baabiara, asafo ahodoɔ a εwɔ wiase nyinaa, a wɔapagya Nkwa Asem yi wɔ da bɔne yi mu. Yewɔ atenka se bere dodoɔ nni hɔ de ma adwuma, εfiri se anadwo reba ntεm. ɔko mununkum no resene bio. Bɔne abene, na yεbɔ mpaεε

se Wobema yen aye adwuma sedee yenyee bi da. Ma yen nipadua a abre yi ahome, Awurade, na soma yen ko akono. Efiri se yebisa no wo Awurade Yesu Din mu, na Ne nti na yebɔmpaee. Amen.

³¹ Bere a yerebue, anɔpa yi, Twere Kronkron no, ako—ako Hebrifoɔ Nwoma no ti 11 no.

³² Wukuada anadwo no na yerekasa fa Hebrifoɔ Nwoma ti 7, efa “Melkisedek, a ɔnni agya, na ɔnni ena, ɔnni nna mfitiasee, anaase nkwa awiee.”

³³ Na me dwenee se, ebia, anɔpa yi, ebefata se yebɛbue saa Nwoma nwanwasoɔ yi bio, enam se yewo nyinasoɔ de ma dec yepese yeka, ewo akenkan a ediikan no mu. Na yerebo atra ti 10, ene 9 no, a eye afɔrebo ho mmara ahodoɔ no, yereba baabi a eye “gyidie.” Na eha wo Hebrifoɔ Nwoma no mu, ti 11, na yerefiri aseɛ wo nyiyimu 23 no, yekenkan No te sei:

Gyidie nti na Mose, bere a wɔwoɔ no no, n'awofoɔ de koraa no abosome mmiensa, efiri se wɔhunuu se abɔfra no ho ye fe; na wɔansuro zhene mmara no.

Gyidie nti na Mose, bere a ɔbaa ne mfiesoɔ no, wampe se wɔfre no Farao babaa ba;

Oyii se ɔne Nyankopɔn man behunu amane mmom kyene se ɔbete bɔne mu de nna tiaa bie;

ɔbuu Kristo ahohora se ahonya kɛsee seneɛ Misraim ahonyadeɛ: . . . na ɔhwɛɛ akatua no.

Gyidie nti na ɔgyaa Misraim ho, na wansuro zhene abufuo: na ɔmiaa n'ani tenaa mu sedee ɔhunu deɛ wɔnhunuu no no.

³⁴ Mepɛ se me fa asemtire no, anɔpa yi, “wonom gyidie so reyi.” Na mepɛ se me fa de ye asuasɛm, asem mmiensa a edikan wo ti 23 no, *Gyidie Nti Na, Mose*. Na, “wo de gyidie reyi bie,” nnoɔma bebree a yeyɛ no, ese se yede gyidie na yeyi bie. Na deɛ yɔhunu se Mose yeeɛ nyinaa no, ebeye se yebeye bie, na eye gyidie ntira; na enye anihunu so, na mmom gyidie nti.

³⁵ Na deɛ nti mafa yei anɔpa yi ne se, asafo no a ewo saa mantam yi mu no, aye se wo yen. . . mpo yen sukuu ahodoɔ mu no, ene yen ho, yanya abodeɛmu nyansape nkyerɛkyere bebree. Esiane yei nti, yeatwe nnipa no afiri gyidie ho. Afei, abodeɛmu nyansape nkyere deɛ gyidie ye. Gyidie ye adeɛ a abodeɛmu nyansape nhunu. Na yen. . . Se yehwere saa gyidie kɛsee yi a, enneɛ na yewo esum kabii mu koraa, eno. . . emfaho ne se yeanya adesua yie, afei yebetumi akyerɛkyere Nyankopɔn Asem mu, na ene yen kwan a yegyedie no aye pe.

³⁶ Ekwan biara nni ho a yede besɔ Onyankopɔn ani, gyese enam gyidie nko ara so. Twereɛsem no ka no pefee saa kwan no so, na enam gyidie so. “Na se gyidie nni ho a,” Twereɛsem no ka se, “obi ntumi nnsɔ Onyankopɔn ani.”

37 Enti, se gyidie ne abodeemu nyansape nko, na abodeemu nyansape ne gyidie nko a, eno de won be—besi animu, enne na ese se yei bie sodee Mose yeee no. Yenam gyidie so gyedi!

38 Afei, se yenni gyidie a, enne na Onyankopon remmua yen mpaee da. “Efiri se dee oba Onyankopon ho no ese se odikan gyedi se Owɔ ho, na oye won a wɔhwehwe No anibere so no akatuafoɔ.” Enti se yeannya gyidie a, na yen mpaee ase; yenko baabiara.

39 Enti eye dee yebetumi adwene ho nyinaa ne no, anɔpa yi, ene se yebesɔ gyidie mu. Ennee, se yeannya gyidie a, na yen anidaso nyinaa ko. Na se yeannya gyidie a, na yen honhom mu adekann no nyinaa ko. Efiri se, worentumi nnya gyidie wo nnooma a wohunu mu, efiri se nnooma a wohunu no nyinaa ye dee esee.

40 Se yehwe nnipa kesee bi, osɔfoɔ kesee bi, anaase asɔrefoɔ kesee bi, won nyinaa besee, da bi. Ena se yehwe oman kesee bi, anaase akodee kesee bi, won nyinaa besee, da bi. Na enne ese se yede gyidie na etena, nnooma a abodeemu nyansape nka ho asem. Enam gyidie so na yegyedi.

41 Afei, se yehwere gyidie a yehwere yen animuonyam. Afei, se yefiri gyidie ho a, enne na yede asafo no awura wiase nimdee tebea mu.

42 Na mmere bebree no, yedwene se, wo nkurofoɔ ntam, se esiane se asɔrefoɔ no dooso nti, na wɔwɔ asɔre kesee, asɔredan atifi abantenten, ene kesee, dodoɔ a wɔsiesie-wonho yie na wɔhye ntaade pa, na wɔwɔ sika bebree, a wɔtumi nya nnooma bi, yen, mmere bebree no, yedwene se eno ye nkanyan, se saa asafo yi ese se wɔnya nkanyan. Anaase, yede yadwene asi asɔfoɔ foforo bi so a woko asemka na wɔnya nnipadom bebree, na yedwene se, etɔdabi a, won ne nkanyan nsenkyerennee. Nanso enye eno ne nokore no nyinaa. Eno ye nnipa nkanyan.

43 Mmom nkanyan paa no ba enam se woreye Onyankopon apede. Wohunu? Se eye baako, anaase woye kakraabi. Se eye asafo kesee, anaase asafo ketewa, emfaho. Se oye nnipa kesee, n’ano ate wo kasa mu, anaase onipa a eye den ma no se obehunu ne ABD, emfaho. Egyina nkransɛm a ode reba so, se enam Onyankopon Asem nkanyan so na ereba, anaase, nkanyan no nam wiase nimdee a efiri nnipa?

44 Nnipa bi tumi nya nkanyan esiane se won ano ate wo kasa mu. Eno mma no nye nokore. Etɔdabi a wɔnya nkanyan esiane se wɔatete nnipa no ara se otumi ka n’asem no. Eno nkyere se efiri Nyankopon. Wohu?

45 Eye Onyankopon daa nhyira, Asem a Enniawiee no nko ara mu, na yebetumi anya nkanyan, na eye Honhom Krokron na ode eno mma. Yenam gyidie so na yɛnya.

46 Afei yebedwene Mose ho, ene saa bere kesee a ewo n’abrabo mu. Na yekenkan ko akyire, wo n’awo mu, ene senea

Onyankopɔn hwɛɛ ne so, nanso bere bi baa Mose abrabɔ mu baabi a na eye nyibie bere. Se yɛkenkan no yie a, yɛhunu se na eye Farao babaa ba, na ɔdi adeɛ a eye yie, na anka ɔbeyɛ farao a ɔdiso wɔ Misraim. Enti ɔbɛhyɛ no nso bere a na ɔrehwɛ abɔntene, akyire yi a na wanyini na ɔnim deɛ eye ne deɛ enye, na saa nkoa no a wɔreyɛ adwuma wɔ atɛkyɛ amena mu no wɔ hɔ. Na Mose, bere a na ɔrehwɛ ahenfie no mpoma mu no, ɔhunu saa nkoa no ara Farao nso hunuu wɔn no, nanso nsonsonoeɛ bɛn nie wɔ nea wɔhunuɛ no mu.

47 Me pɛsɛ me gyina saa adwene no so, anɔpa yi, simma kakraa bi, na ma ɔsoro Nyankopɔn mpiaso nwura akoma biara a ɛwɔ ha mu. Eye senea wo hunu biribiara, eno na ede nsonsonoeɛ ba.

48 Ɔsɛmpakani kɛsɛɛ, John Sproul, a ɔnam Onuabarima Bosworth ne som adwuma so sakyeraaɛɛ, a mo mu dodoo kaɛ mfirmhyia bebree a abɛsene koro, na ɔfiri Oid Glory Barn. Ɔkaa sɛ, da koro bi na ɔretu kwan, ansaana n'adamfo ene ne yere dofo rewuo. Na wɔwɔ La Salle, Lorraine, France. Na me nyaa kwan kɔ sraa saa beaɛ hɔ. Na ɔkwankyerɛfoɔ no de wɔn nam turo no mu, na ɔrekyere wɔn nnɔɔma ahodoɔ bi. Ena wɔbɛduruu honi bi a na eye Awurade Yesu, asennua no. Na Owura Sproul gyinaa baabi, a na ɔrehwɛ, ɔno ene ne yere, na, wɔ wɔn akoma mu no, na wɔrefeefee deɛ na odwumfoɔ no wɔ wɔ nadwene mu, anaase ɔboɔ dwumfoɔ no, mmom, bere a ɔsene firii ɛboɔ no mu, biribi-huuu a ɛgyinahɔ ma Awurade Yesu atɛtee ene ne do ene ne tema, ene senea wasene na aye apɔ-apɔ. Ena ɔkwankyerɛfoɔ no baa Owura Sproul nkyɛn, ena ɔkaa sɛ, "Owura, me susu sɛ woreka saa Awurade Yesu honi yi ho asem."

Ena ɔkaa sɛ, "Mereka."

49 Ena ɔkaa sɛ, "Enye me nwanwa ketekete koraa, ɛfiri sɛ nnipa dodoo a wɔhwɛ no, ɛdikan, wɔka ho asem."

50 Ena Owura Sproul kaa sɛ, "Adɛn, me nhunu tema biara anaase nkanyan biara mfiri biribi saa hwɛ mu, enti eye me nwanwa sɛ ɔboɔ dwumfoɔ no yɛɛ biribi te saa."

51 "Ena ɔboɔ dwumfoɔ no. . ." Ɔkaa sɛ, "Owura Sproul, saa honi yi ye, ena ɔboɔ dwumfoɔ no na deɛ ɛwɔ n'adwene mu no ye. Mmom baabi a ɔhaw no wɔ no, ye wo. Eye senea wɔrehwɛ adeɛ no." Na ɔsɔɔ ɔno ene ne yere no nsa, ena ɔde wɔn kɔɔ afɔrebukyia bi a ɛwɔ saa honi no nan ase. Ena ɔkaa sɛ, "Afei, Owura Sproul, afei hwɛ soro." Na bere a ɔhwɛɛ soro no, ɔkaa sɛ anka n'akoma reye ate. Nsonsonoeɛ bi nie, sɛ wɔbɛgyina hɔ na wahwɛ no wɔ saa kwan no so, na wɔbɛkɔ fam na wahwɛ no wɔ kwan a wɔyɛɛ no sɛ enkyere.

52 Na saa kwan no so na Onyankopɔn tɛɛ. Saa kwan no so na gyidie tɛɛ. Eye kwan a wo hwɛ no fa. Se wo hwɛ no sɛ abakɔsɛm Twɛrɛ Kronkron a, sɛ biribi a na ɛwɔ nna bi a abɛsene kɔ a, wɔrentumi nya Twɛrɛ Kronkron no ne boɔ paa ɛsom da. Eɛ sɛ wokɔ wo nkotodwe anim, na woyɛ setie mma saa Twɛrɛ

Kronkron yi ahyɛdeɛ nyinaa, na wo de Honhom Kronkron aniwa hwe No.

⁵³ Mɛbisa saa atiefɔɔ yi, anɔpa yi. Adepa bɛn na abakɔsem Nyankopɔn yɛ ma yɛn sɛ Ɔnye saa Nyankopɔn korɔ no ara a? Adepa bɛn na Onyankopɔn yɛ, sɛ ɔbɛfa Mose na ɔde no ayɛ nsɛnkyerɛnnɛɛ a ɔyɛɛɛ, adepa bɛn na ɛbɛyɛ ama yɛn sɛ yɛbɛkenkan afa saa Onyankopɔn no ho sɛ Ɔnnye adekorɔ No ara ɛnnɛ a? Adepa bɛn ne Onyankopɔn a ɔtumi gye Hebrifɔɔ mmɔfra no, firi ogya fononoo mu, sɛ Ɔnye saa Nyankopɔn no ara ɛnnɛ a? Adepa bɛn ne Onyankopɔn a ɔbu papa ne bɔnɛ ho atɛn, wɔ da a abesene korɔ no, na ɔtwe bɔnɛ aso na ɔhyira papa, sɛ Ɔnye saa Nyankopɔn korɔ no ara ɛnnɛ a? Ɛdeɛn nti na yɛkɔ asɔrɛ? Adɛn nti na yetwe yɛn ho firi wiase nnoɔma ho, sɛ Ɔnye saa Nyankopɔn korɔ no ara a ɔbu atɛn no a, ɛnɛ saa adwen korɔ no ara a na Ɔyɛ bɛrɛ biara no a? Adepa bɛn na ɛbɛyɛ de ama Onyankopɔn a ɔtumi sɔ ɔbaa a huraaɛ akye no nsa, na huraaɛ no agyaaɛ, sɛ Ɔnye saa Nyankopɔn korɔ no ara ɛnnɛ a? Adepa bɛn na ɛbɛyɛ de ama sɛ yɛbɛsom Onyankopɔn a ɔtumi frɛ N’adamfo firi damena mu, bɛrɛ wawu nna nnan akyi, sɛ Ɔnye saa Nyankopɔn no ara ɛnnɛ a?

⁵⁴ Gyidie na yɛde gyedi sɛ animouonyam da bi Ɔbɛfrɛ yɛn afiri asase so, ɛwɔ mu sɛ na yayɛ nso aterema bio. Sɛn na yɛkyerɛ mu? Yɛnkyerɛ mu. Yɛgyedi. Wɔmmisaa yɛn sɛ yɛn nkyerɛ biribi mu. Wafɛrɛ yɛn sɛ yenye nni.

⁵⁵ Gyidie nti na Mose yɛɛ *sɛɛ-ne-sɛɛ*. Na sɛdɛɛ Mose, sɛdɛɛ na ɔyɛ aberantɛɛ, hwɛɛ ahenfie mpoma no mu, hunuu nkoa no, ɔhunuu saa nkoa no ara a na efii, ɛnɛ tebea bɔnɛ a wɔwɔ mu, sumina-so adeɛ bi a Farao hunuuɛ no.

⁵⁶ Na bɛrɛ a Farao hunuu wɔn no, ɛnɛ Misraimfɔɔ no, na wɔnyɛ hweɛ sɛ nkoa bi. Ɛno ara ne adeɛ a na wɔfata; sɛ wɔbɛyɛ nnipa a wɔrɛwɔ dɔtɛɛ, de ayɛ ntayaa ama nkuroɔpɔn a na Farao ɛresie no. Ɛno ne kwan a Misraimfɔɔ ɛnɛ Farao hunuu nkoa no.

⁵⁷ Nanso Mose, sɛ ɔhwɛ wɔn a, na ɛyɛ ɔhwɛ sononko a Mose nyaaɛɛ. Sɛ ɔhu, bɛrɛ a ɔrɛtwam wɔ mpoma no ho, amena akɛsɛɛ a ɛda wɔn anim, nisuo a ɛrɛpram wɔn afono soɔ, ɛnɛ wɔn nipadua a akonton, ɔhunuu wɔn sɛ Onyankopɔn nkuroɔfɔɔ. Wannhu wɔn sɛ nkoa. Ɔhunuu wɔn sɛ Onyankopɔn nkuroɔfɔɔ a wayi wɔn.

⁵⁸ Na, oh, bɛrɛ a merekyini no, ɛfiri ɔman mu kɔ ɔman mu no, na ɛfiri ɔman mu kɔ ɔman mu no, reka asem no! Ɛfiri bɛrɛ a mɛpue firii saa asɔrefie ketewa yi pono ano no, ɛno yɛ asɔrefekuo ahyɛhyɛdeɛ, yenni mmara gye ɔɔ, yenni nwoma gye Twɛrɛ Kronkron, ɛna yenni gyidie gye Kristo, mabɔ mmɔden sɛ mɛhwɛ Onyankopɔn mma, ɛnɛ wɔn a wɔapɔ wɔn, sɛ Onyankopɔn nkuroɔfɔɔ a wɔayi wɔn na wɔapaw wɔn. Memmisa wɔ sɛ wɔwɔ Branham Tabernacle. Memmisa wɔn sɛ wɔyɛ Metɔdis, anaasɛ wɔyɛ Presbyterianfɔɔ, anaasɛ wɔyɛ Pentekostefɔɔ, anaasɛ Nasarenefɔɔ, anaasɛ Pilgrim Holinessfɔɔ. Mɛpɛ sɛ mɛhu wɔn sɛ Onyankopɔn nkuroɔfɔɔ. Na mɛ hunu wɔn yɔbɛa ɛnɛ wɔn nnɛyɔɛɛ,

se woye Awurade Nyankopon nkoa. Na m'akoma pe se me ne won benya ayankofa, emfaho ne dee woye. Dee me pe ara ne se me ne won benya ayankofa. Me do won efiri se me nim se woye Onyankopon nkurafoo.

⁵⁹ Se me hunu obaa a onnm abontene so a, ohye atadee tenten, na waye ne tiri kama agu n'akyi, na—na wahye atadee a eyekama; na mehunu awuraa oforo, ebia mfie koron no ara, na wahye atadee tiatia ketewa bi; ebia obeye, wohwe no a, n'ahofe beye mmoho mmieniu te se obaa no a owon nwi tenten no, sedee ewiase hu no, nanso mepa saa abaayewa no a wasiesie ne ho se Kristoni no asem. Ewom se wobesere no dee, na wofre no se okyiritaefon, nanso, megyna n'afa. Ebetumi aba se ne ho nye fe se abaayewa baako no, ne bobe mu, nanso ohunu biribi. Gyidie nti ohu No Dee wonhunuu no no, Ono na oredi n'abrabo kan.

⁶⁰ Se me hunu obarima a oreye adwuma, a wofre no "osomfo," anaase "osempakani," anaase "okyerene ne gyidie mmorosoo," esiane se onnom tawa, na onnom nsa, na onko asa ase, te se won a aka no nti, na se wofre no "okyerene ne gyidie mmorosoo," a m'akoma ko ma no. Oye me nuabarima, wo saa Misraim dotee yi mu, eno ma yen akoma pe se yebeye atuu na maka se, "Onuabarima, yeye amanrafon ene ahoho, wo asase yi so, na mepa se me ne wo nya ayankofa."

Mose na ese se oyi bie, ode gyidie yi bie.

⁶¹ Mmerantee dodoon sen na anka wonhuri nso saa akwanya no mu mmeye Farao babaa ba! Mmerantee dodoon sen na anka wonhuri nso saa akwanya a Mose nyaaee no mu, na wanya saa anigyedee no nyinaa ene wiase afesefedee no, abeye Misraim hene, na wanya wiase nyinaa ahye ne nan ase! "Nkwaseadee ben ni," a ne bere so mmerantee wobedwene, "bere a Mose yii se one Onyankopon man a wowa amanehunu ene ateete mu betena."

⁶² Aden nti na oye saa? Gyidie nti, bere a omaa n'ani soon no, ohwe traaw iase yi afesefedee. Ohwe traaw bone anigye. Na Twere Kronkron no kaa se na omiaa n'ani tenaa mu sedee ohunu Ono Dee wonhunuu no, gyidie nti, na oyii se obesom saa Onyankopon no emfaho ne dee ebese.

⁶³ Esesaaee. Yen mu dodoon no betumi ako dee yebefre no dan papa mu. Yebetumi agye yen ani, ebia, ayankofa ene anigye se wo te akonwa papa so. Wobetumi agye yen ato mu, anom nsa na yanom tawa, na yasiesie yen ho na yaye se wiase. Nanso edeen asem a? W'ama w'ani so, na gyidie nti wohunu Ono Dee wonhunuu no, na wo ne won a wapo won ene dee-wofre won akronkronfoamunimuni wo da yi mu atena. Efiri se gyidie nti yehunu Ono Dee wonhunuu no, yereyi se yebehunu amaneee ene otaa.

⁶⁴ Merenka nkyere nnipa se ese se woyi amanehunu. Menka se ese se wo yi amane. Enye mma nnipa se wobeye saa. Nanso se amane da kwan mu wo adwuma nti a, ennee momma yemfa sedee eba no. Mempa se wobeye biribi ama obi asere wo. Mempa

se wobeka biribi foforo, se, “Me ye a . . . Mekɔ asɔre a wɔnnye *yei-ne-yei* nni, ɛwɔ wiase,” ene nnoɔma te saa, sɛdeɛ wobɛnya nnipa bi ama wasere wo. Wo de eno reba wo ara wo ho so. Merenka se wobɛfiri ha na wakɔso na wayɛ biribi a ɛmfata. Mɛmpɛ se wobɛye saa, se ɛbɛye a obi bɛka se wo kyerɛ wo ho. Wo ara na wo de ba wo so. Mmom se ɛwɔ kwan mu wɔ Onyankopɔn adwuma mu a, ma wiase nka deɛ wɔpɛ se wɔka. Wo deɛ kɔ so.

Woreyi bi. ɔbarima ene ɔbaa biara se se wɔye saa.

65 Se anka Farao tumi hunuu deɛ Mose hunuuɛ no a? ɔhunuu nnipa no amanehunu. Na ɔnim akatua a ɛda hɔ ma no se ɔtua. Nanso gyidie nti ɔyii eno, sene se ɔbɛnya bɔne mu anigyɛɛ.

66 Ebia na, mmabaawa nketewa bi te ha, se mmabaawa fɛɛfɛ. Ewiase bɛpɛ se wobɛka akyerɛ mo se, “Monyɛ *sɛɛ-ne-sɛɛ*. Mo ho ye fɛ. Mo bɔbea no ye fɛ. ɛsɛ se mo de kyerɛ.”

67 Nanso, me nuabaa, ma w’ani so na hwɛ tra eno, ma Deɛ ɔkaa se, “ɛye akyiwadeɛ de ma ɔbaa se ɔbɛhyɛ ɔbarima atadeɛ.”

68 Se mmarima a wɔka nkurɔfoɔ a ɛwɔ wo mpɔtamɔ hɔ no ho, se mmaa a wo ne wɔn hyia, ka se, “Twitwa saa nwi tenten no firi hɔ. Wo ho bɛdwo wo. ɛbɛye *sei, sɛɛ*, anaase *ɔfoforɔ*.” Anaase, “ɛbɛma wayɛ yie kama.” Montie eno!

69 Wo deɛ ma w’ani so, na gyidie nti hwɛ ɔno a ɔkaa se, “ɔbaa no nwi ye n’animuonyam, na mma ɔntwa.”

70 Se wɔka se, “Obiara ani bɛgye ho. Wo bɛdiyie wɔ w’adwuma mu, anaase wo ne wo adwuma mu panin, se wo nom nsa obiara pɛ a. Se wobɛnom tawa te se deɛ mmaa a aka no ye no a, obiara bɛpɛ wasɛm wɔ wo mpɔtam hɔ.”

71 Gyidie nti ma w’ani so na hwɛ ɔno a ɔkaa se, “Fa efii ka saa nipadua yi, na mɛsɛɛ no.” Gyidie nti yɛgye saa nnoɔma no di. ɛnye biribiara a wahunu. ɛye biribi a wo gyedi. Gyidie nti, na Mose yɛɛɛɛ.

72 Na wɔ saa gyidie anamɔntuo yi mu, bɛrɛ bi ba a ɛsɛ se wo yi bie.

73 Lot yɛɛ saa awerehɔɔ mfomsoɔ a yɛyɛ no bi. Mmerɛ bebree yɛ yi de ma yɛn ara yɛyiedie. Yɛyi nnoɔma a ɛbɛye yie.

74 ɛtɔdabi na se akasakasa kakraabi ba asafo no mu a, na obi bɛka se, “ɛye, ɔsomfoɔ no anaase ɔhwɛfoɔ no wɔ ɛfa ha.” ɛnhwe eno. Hwɛ deɛ ɛye teneneɛ. Mɔnyi saa adeɛ no mfiri hɔ na monka wɔn mmieniu mmom. Eno ne nyame kwan.

75 Se woreyi bie wɔ hɔ. Na yɛyi de ma yɛn ho. Yɛyi biribi a ɛye ma yɛn ara.

76 Nanso Mose yii amanehunu ene animguaseɛ, sɛdeɛ ɔne Onyankopɔn nkurɔfoɔ bɛnante. Dwene ho seesei ara. Montie. “ɔyii Onyankopɔn nkurɔfoɔ amanehunu, ɛna ɔbuu no ahonya kɛsɛɛ, ɔmiaa n’ani tenaa mu, ɔhunu No Deɛ wɔnhunu no.”

Afei, Lot, bɛrɛ bi, na ɛsɛ se ɔyi bie.

77 Na ebia, anɔpa yi, mmarima bi ene mmaa bi te ha, a wɔbeyi deɛ ɛtwa toɔ. Enne yi wo ye deɛ wo ye, ɛsiane mfirinhyia bebree a abɛsene korɔ no wo yii deɛ wo beye seesei ara. Na deɛ wo beyi enne bekyerɛ deɛ wobeyɛ mfirinhyia nnum ɛfiri enne. Mfirinhyia nnum firi enne ebia wo beye ɔsɛmpakani. Mfirinhyia nnum firi enne ebia wo beyɛ Kristoni a wagye din.

78 Anaase, mfirinhyia nnum firi enne ebia na wowɔ amanehunukrom, ɛfiri sɛ wo sii gyinaɛ bɔne. Mfirinhyia nnum firi enne ebia na worehohoro adeɛ a wɔte ntasuo gu mu wo nsadwase. Mfirinhyia nnum firi enne ebia na wo ye odwamanfoɔ wɔ abɔntene so.

79 Anaase, ebia wobeyɛ ɔbarima anaase ɔbaa a—a woyɛ mfasoɔ de ma ekuo biara, ɛsiane sɛ wo yi maa Kristo. Mfirinhyia nnum firi enne ebia na wo wɔ animuonyam mu, wo kɔ ɔhwim mu, ɛsiane sɛ wo yii bie enne.

80 Nanso ɛsɛ sɛ wo yi bie. Na nhwɛ deɛ wo hunu. Yi deɛ gyidie nti wo hunu. ɛno nko ara ne biribi a ɛsombo, ɛye deɛ gyidie nti wo yie.

81 Lot, sɛdeɛ na ɛsɛ ɔyi bie. Abraham maa Lot kwan sɛ ɔnyi bi.

82 Na Onyankopɔn ma wo kwan sɛ yi bi. “Monyi enne da yi deɛ mo bɛsom no.” Wɔ Eden turo no mu na yɛwɔ dua—eye nimdeɛ, ene Nkwa Dua. Onipa nyaa ɔkwan sɛ ɔnyi deɛ ɔpe. Na saa na ɛtee enne. Wama wo kwan, sɛ obi a wowɔ fahodie, sɛ yi deɛ woyɛ sɛ wo yie biara.

83 Mafutuo a mede rema woɔ, ne sɛ, nhwɛ abɛɛfo nnoɔma atwa wo ho ahyia no, ene edin a wobɛgyɛɛ ene afɛɛfedeɛ a wo benya. Nanso fa gyidie, mmom, yi deɛ, ɔmaa bɔhyɛ no sɛ da bi ɔbɛba na ɔbeyɛ deɛ enye nyinaa yie, na ɔbɛma wo Daa Nkwa, na wanyane wo. ɛmfa ho sɛ wobɛfa kwan a wɔbu no animtia ene kakraabi a wɔye Awurade dea, yi ɛno bi. Sɛ ɔhaw bi ba a, sɛ ɔhaw bi ba asase no so a, sɛ ɔhaw bi ba asafo no mu a, sɛ ɔhaw bi ba ɛfie, ɛmfaho ne baabi a ɛwɔ, yi bi, “Gyidie nti, mɛsom Onyankopɔn. Mɛbre m’akoma ase wɔ N’Anim. Mɛfa Onyankopɔn mma no kwan no. Me hu wɔn sɛ wɔbu wɔn animtia ɛna wapo wɔn, ɛna wapamo wɔn ɛna wɔsere wɔn, nanso me kɔso ara gyina m’adwuma mu. Me tena hɔ pɛɛ. Na sɛ wɔsu a, me ne wɔn besu. Na sɛ awɛrɛhoɔ ba a, me ne wɔn bɛdi awɛrɛhoɔ. ɔkwan a wɔfa so tena no, mɛtena saa ara.”

84 Te sɛ deɛ Naomi kaaɛ no. . . Anaase, Rut kakyɛɛ Naomi, “W’akwan nye m’akwan. M’akwan nye w’akwan. Baabi a wo tee, na mɛtena. Baabi a wo kɔ, na mɛkɔ. Onyankopɔn a wo som no no beyɛ me Nyankopɔn.” Fa deɛ wayie no, ɛwom sɛ ɛworɔ wo honam ankasa firi w’ahonim ho, sɛ wo dwene sɛ wo ye obi. Worɔ wo ara honam na fa Awurade mma kakraabi no a wɔbu wɔn animtia no kwan no, na di nokorɛ wɔ adwuma no mu ene baabi a adwuma de wo agyina.

85 Lot hwɛɛ ne ho hyiaae. Ɔkaa sɛ, “Mewɔ kwan sɛ me yi deɛ me pɛ.” Ɛna ɔde n’ani kyereɛ Sodom. Ɖhunuu sɛ asase a eyɛ na esere wɔ so no ye sene deɛ Abraham hunuuɛ no, ɛne deɛ Abraham wɔ no. Ɖhunuu akwanya bi sɛ ne mmoa benya esere adidi so, na wanya mmoa papa ɛne akɛsɛɛ.

86 Me wɔ anidasoɔ sɛ mentiaa obiara atenka so. Nanso saa ara na asem pakafaɔ bebree wɔye, wɔgyaegyae Asem pa no mu, dwene sɛ wɔbenya sika bebree afiri mu. [Onuabarima Branham bɔ ne nsa mu mprensaa—Ɖs.] Adidie krataa! Mɛpɛ mmom sɛ mɛtena asase pɛsɛɛ so, mɛdidi, mɛnom afiri asutene ketewa bi mu, na mɛwe soda krakase, sene sɛ mɛtoto me gyidie a ɛwɔ Onyankopɔn teasefoɔ Asem no mu ase. Mɛfa me me kwan.

87 Wɔn mu binom kaa sɛ, “Billy, ɛdeɛn na aye wo nhyiamu yi, sɛdeɛ Pentekostefoɔ bebree ba aseɛ.” Asɔrefekuo safoɔ kɛsɛɛ bi na ɔkaa saa.

Me kaa sɛ, “Wasɔrefekuo no befa me nhyiamu ho ka anaa?”

88 Ɛnkyereɛ koraa, ɛwɔ *Look* krataa no mu, me gyedi, na asem bi wɔ mu. Na ɔtwerefoɔ no kaa wɔ ho sɛ, ɔkasa faa Pentekostefoɔ no ho. Ɔkaa sɛ, “Pentekoste asafo no ɛno ne asafo ɛrenyini ntemntɛm ɛwɔ wiase ɛnnɛ.” Adɛn? Ɛfiri sɛ mmarima ɛne mmaa ama wɔn ani so rehwe akyirikyiri.

89 Na ɔtwerefoɔ no nso kamfoɔ Pentekoste nkurofoɔ no. Oh, saa na ɛtɛɛ, ɔkaa sɛ, “Na wɔn mu bi wɔ ho a na wɔye nsakraɛɛ, ɛne deɛ ekekaho. Nanso, Mɛtɔdisfoɔ no som asɔregyidie. Wɔnam asɔregyidie so na wɔsom Onyankopɔn. Baptisfoɔ nso ye adekorɔ no ara bi, ɛna Presbiterianfoɔ no. Nanso Pentekosteni no nam ne Twere Kronkron no so na ɛsom.”

90 Fa gyidie so hunu bɔhyɛ no. Me de me ho bebata wɔn, ɛmfaho ne senea wɔbu wɔn animtia, me da so ara ye wɔn mu baako. Ɛwɔ mu sɛ wɔdi wɔn ho fɛw, ɛna wɔwɔ-wɔn-sinto, sɛdeɛ Israel yeɛɛɛ, merempe da sɛ me ne odiiyifoɔ torofoɔ no begyina bepɔ no ho, ɔye Balaam, na m’abɔ mmɔden m’adome deɛ Onyankopɔn ahyira. Ɛfiri sɛ, saa nsraban no mu na Ɖbotan a wapira no no wɔ, ɛne mogya Afɔdeɛ, ɛne Ogya Fadum no. Ɛmfaho ne deɛ wɔwɔ mu, ɛredi wɔn anim akɔ nkonimdie mu, na na ɛsɛ sɛ wɔba ne nkyɛn, ɛfiri sɛ wɔye bɔhyɛ nkurofoɔ a wɔnam gyidie mu. Ɛwɔ mu sɛ wɔye asɔrefekuo deɛ, na wɔrekyinkyini, na saa na Onyankopɔn nkurofoɔ tɛɛ. Nanso me pɛ sɛ me ne wɔn fa kwan korɔ so, me ne wɔn kabom wɔ wɔn mu; ɛnye wɔn asɔrefekuo no mu, na mmom wɔ wɔn ayɔnkofa a ɛfa Onyankopɔn Daa Honhom mu nnoɔma ho, a ɛno na, gyidie nti me nsa aka Honhom Kronkron mu asubɔ no. Onyankopɔn boa me na menya saa suban no daa.

91 Hye no nso. Bere a wɔrekorekorɔ no, yehunu sɛ Lot hunuu akwanya bebree a—a ɔde benya anantwie a wadɔre. Bebree hunu akwanya bebree a wɔde benya nwomakotokuo a adɔre. Bebree hunu akwanya bebree a eyɛ ɛkuo mu gyinabere papa. Ɖhunuu sɛ ebetumi aye ho sɛ ɔbenya dɔlla kakra aka ho. Ɖhunuu sɛ

ebetumi ama no abeye kuropon no so panin. Obi a zye zhozo, ene dee n'ani atee, sedgee na ztee no, "Ebia meba abeye nnipa kesee wo kuropon no mu." Zhunuu se ebetumi aye ho efiri se na eda n'anim. Mmom wanhunu ogya no a na ebese asase no. Wantumi annte ne ho ase, se bone ahye asase no so mma, na na ese se Onyankopon see no.

⁹² Na, enne, nnipa bo mmoden se wobete won ho ase aka se, "Wo ye . . .?"

Meka se, "Wo ye Kristoni?"

⁹³ Woka se, "Me ye Amerikani." Eno ne no nni hwee ye sene se wo beka akyere anene se zye aponkyerene. Ene no nni hwee ye. [Onuabarima Branham bo ne nsam baako—Ds.]

⁹⁴ Wobese no, efiri se Onyankopon bu aten terenee. Na se Amerika fa ne ho di wo ne bone mu a, na ebeye nhye de ama akronkroni, Nyankopon a odi ne ho so no se—se obenyane Sodom ene Gomora na wapa won kyew se zhyee won, esiane won bone nti; se Oma yen fa yen ho di a.

⁹⁵ Se Oma wo de w'asisie nnwuma yi nyinaa ko Osoro ahemanmu a, Ese se Onyane Anania ene Safira na oma won akwanya foforo. Ese se zye. Nanso Obu aten tenenee. Anania hunuu ne sika. Petro hunuu Kristo.

⁹⁶ Oh, me! Lot anhunu ne mma see wo saa beae ho.

⁹⁷ Mo mu binom, enne, mo kura saa asoregyidie dada yi mu ene nnooma, mo nhunu mmofra bone ene mo mma see. Wo nhunu wo babaa wo adwamanfo fie. Wo nhunu wo babarima se sabofoo, anaase zte sopaa pono ho baabi.

⁹⁸ "Efiri se na zho ye-foromforom." Ena wonka hwee mfa bone ho. Wanhunu ne yere, se akuoakuo no nyinaa panin, se w'adane nkyene sie, bere a na zrehwe no. Wanhu no se zredwane ntentem so, ako kuro ketewa bi so baabi, aye ne kra nkwa. Wanhunu eno, efiri se zhwee dee na ewo n'anim nko ara.

⁹⁹ Nanso, Abraham, wanhwe asase a na zho ye-foromforom no, efiri se oma n'ani so na zhunuu zkyena, efiri se zbedi adee wo nnooma nyinaa so. Okristonii paa no enne yi ma n'ani so na zhunu Kristo bhye no: "Nhyira ne won a wodwo na won na wobenya nnooma nyinaa. Won na wobenya asase no." Kristoni paa no, gyidie nti, oma n'ani so na zhunu eno. Fre no dee wo pe. Oma n'ani so. Na bere a zye saa no, Onyankopon kaa se, "Abraham, nante fa asase no so, ne nyinaa ye wo dea." Gyidie nti, Abraham yee yei; gyidie koroo no ara a Mose nyaae no.

¹⁰⁰ Obi reka ho asem ena ztwere se, na zkaa se. Me dwenee se na eye nsem a eye paa. Se Abra- . . . "Mose faa wiase mu nea eye paa ena ode too nsania baako mu; ena zsom mu dee enye koraa, ena ode too nsania foforo mu; na zsom mu dee enye koraa no twee ewiase mu nea eye paa no."

101 Saa na etee enne, se se wobefre yen biribi a yeye se wobefre yen, “ntrasoƆ foƆ,” anaase “Nyankoma ayaresafoƆ,” anaase “kronkron-amunimuni,” anaase biribiara a wope se wofre. Dee enye koraa a yeye no emu-duru no bekyene dee eye paa a ewiase betumi de ama. Meppe se wobefre me “atete-kwaa, ntetekwaa adwene, ntrasoƆ foƆ.” Emu-duru no bekyene dee eye paa a bonsam de bema wo. Ebeye paa yie.

102 Mose buu Kristo ahohora se ahonya kese. Ohunuu Kristo siee. Akyire yi no akaa nkanyan nsem akese faa Ne ho. “Hwe, Awurade mo Nyankopon bema odiyifoƆ a ɔte se me so.” Na onim. Ohunuu No siee, na obuu N’ahohora no ahonya kese sene wiase anigyede nyinaa.

103 Kristoni adamfoƆ, enne, worentumi nye saa? Na ewiase afefede nyinaa ene dee agye din wo wiase, gyidie nti, yehunu Ono a ohye bo no. Na dee enye koraa a ewo asafu no mu enne, wo sedee etee nyinaa mu, nanso Emu-duro bekyene biribiara a bonsam betumi de ama wo. Se watete yen mu, se wabubu yen mu nketenketete, se yadwene mu aye keserenee na ahia yen a, ewo asɔrefekuo ene nyetrasoƆ mu, emu-duru bekyene biribiara a bonsam betumi de ama wo. Nokoreni.

104 Obuu Kristo ahohora se ahonya kese sene Misraim ahonyade nyinaa. Afei na ese se oye biribi. Ogyaa Misraim. Oh, me do saa asem no. Ogyaa Misraim. Hwe, na orehwe mpoma korɔ no ara mu, nanso na orehwe biribi sononko firi Farao ho. Se Farao tumi hunuu n’awiee e? Se Farao hunuu ne man se nsuo afa won e? Mose hunuu. Kwan ben so? Abodeemu nyansape so? Gyidie na, Mose de hunuu. Gyidie na odeye biribiara a oyee, efiri se Onyankopon hye Abraham bo, n’agya, se Obe—Obeba abesra saa oman yi mfinhyia ahannan akyi, na obeyi won apue. Na gyidie nti, Mose gye Asem no a Onyankopon kaae no diie, na ohunuu ne ho, sedee gyidie kyerɛ, se ono ne dee wayi no se onyi won mpue. Na onim baabi a owo. Ogyinaa ne gynabere wo atekye amena no mu, se obi a orewo dotee, na obuu Kristo ahohora ahonya kese sene se obetena Misraim ahennwa so. Ofaa . . . Wannka da se, “Woye me mmobo.” Ogyinaa won ananmu na one won koo! Animuonyam nka . . . Ogyinaa won ananmu. Ene won koo.

105 Enye nwanwa se otwerefɔ no a onyaa nkanyan no kaa se:

Me ne Awurade ketewa no a wapo won no befa
kwan korɔ so.
Me ne Yesu afiri ase, afei merepemso ko.
Me nam me kwan so rekɔ Kanaan asase so.
(Aane.)

106 Mose. Obi kaa se na Mose fae mmom, bere a na anka obetumi aye Farao babarima na anka wanya ewiase afefede no, obere mmom se obeye Abraham babarima sene se obeye Farao

babarima. Abraham babarima, a wɔbu no animtia, sene se ɔbeyɛ Farao babarima, ɔhene no.

107 Mɛpɛ mmom se mɛyɛ Awurade Yesu babarima, ɛne N'akoa yɔnkɔɔ, na m'agyina me gyinabere wɔ ewiase yi mu nnipa a wapo wɔn, sene se mɛyɛ Omanpanin wɔ saa Amerika kɛsɛɛ yi so, anaase mɛyɛ Elvis Presley, anaase Pat Boone, anaase obiara a wo pɛ se wo yɛ. Mɛfa me kwan.

108 Eɛ se mmabaawa fa wɔn kwan. Sene se wɔbeyɛ a—a Mary Pickford, anaase sini mu okunini bi, ɔbaa fɛfɛ bi, ɛne Awurade kuo ketewa a wɔbu wɔn animtia no mfa kwan korɔ so.

109 Mɛpɛ se mɛyɛ ɔsɛmpakani wɔ asɛnka pono akyi, reka Kristo ahonya a ɛmu nni hwehwɛbea no ho asem, sene se mɛyɛ Hollywood sini mu okunini, anaase onipa kɛsɛɛ paa wɔ asase so. Se ɛse se medidi kakraa bi, seresere adeɛ, anaase deɛ ɛse se me ye biara, me ne Awurade nkurɔfoɔ no bɛfa kwan korɔ so. Gyidie nti, mɛyɛ saa. Wɔama me akwanya bebreɛ. Nanso, Onyankopɔn adom nti, gyidie nti me kɔ so ara hunu.

Gyidie nti metumi hunu no akyirikyiri;
Na yen Agya retwene wɔ ɔkwan no so,
Se ɔresiesie tenabea bi ama yen wɔ Hɔ.

110 ɔbarima bi a ɔgyegyɛ ɛtoɔ kaa sɛ, da bi, “Adɛn nti na wo danee wo fie no de maa saa asafo no? Edeɛn na ɛmaa wo de dɔlla-mpem-aduonu- nnum fie maa saa asɔrefie-tantan dada ketewa no?”

111 Me kaa sɛ, “Enye asafo no nti na me yeɛ saa. Eyɛ nnipa no a ɛwɔ hɔ no a.” Me nni ewiase yi mu nnoɔma no bi. Sika pesewa biara me nya no me dane ma asafo yi. Adɛn? Me gyidie wɔ Onyankopɔn mu, na enye ewiase nnoɔma mu. Me dwene nnoɔma a ɛwɔ soro ho. Na me gyedi sɛ mo nyinaa ye adekorɔ, sɛ mo ne Onyankopɔn ntam ye a. Eyɛ nokorɛ, sɛ mo ye saa. Yen, gyidie nti, yenya. Yen, gyidie nti, yeɛgyɛ Onyankopɔn di.

112 Mose, na ɛse se oyi bie. Na afei na ɛse se, oyii bi akyire yi no, na ɛse se ɔko gyidie no, afei, ɛfiri se wansuro ɔhene no abufuo. Afei, nipa afam, na ɔwɔ kwan se ɔsuro abufuo no. Na ɔwɔ kwan se ɔsuro ɔhene no abufuo, nanso wanyɛ. Wanyɛ saa, ɛfiri se na ɔwɔ adwuma bi ye, ɛna na ɔgyina dwumadie no kwan so. Na ɔmaa deɛ ɔhene no ka faa ho no anhia no. ɔfaa Ne kwan saa ara.

113 Afei, Farao, ɛwɔ nokorɛ mu, bere a ɔhunuu se ɔredi nkoguo no, na ɔpɛse ɔma Mose ɛne mma no. . . ɔkaa sɛ, “Eyɛ, mɛka deɛ mɛyɛ akyere mo. Mo nyinaa mo ntena asase no so na mo mpue nkɔbɔ afɔdeɛ mma mo Nyankopɔn.”

114 Saa kwan no so na bonsam ye adwuma. “Oh, wo betumi ayɛ nyamesomni. Adɛn nti na wo nkɔka asɔre bi ho? Ense se wo ye saa nnoɔma yinom nyinaa.” ɔbarima kakyere ne yere se. . .

115 ɔyere no ka sɛ, “ɔkunu, manya nkwagyɛɛ. Bɔwereso keka biara nni hɔ bio, anaase anokeka ɛne saa nnoɔma no. Yei mu

biara nni hɔ bio. Apontɔ biara nni hɔ bio. Saa fekuo nnoɔma biara nni hɔ bio. Mafiri mu! Me de me mmerɛ bɛkenkane Asem no, na mahwɛ fie.”

116 “Afei, hwɛ, ɔɔfoɔ. Wo, wo bɛtumi ayɛ nyamesomni, ne nyinaa yɛ. Afei, hwɛ, wo—wo kɔ *ha*. Wasɔre nnyɛ papa.”

117 Daabi, ɛnte saa. Wowɔ deɛ ɛyɛ papa mu. Sɛ wanya ɔsɛmpakani a ɔreka saa kyere wo a, ɛsɛ sɛ wo tena mu. Sane hwehwɛ Twɛrɛsem no mu na hwɛ sɛ ɛno yɛ nokore a.

118 “Oh,” ɔkaa sɛ, “kɔ *ha*. Wɔnyɛ—wɔnyɛ saa adeɛ no wɔ *ha*. Wahu? Wɔnyɛ yei wɔ *ha*.” ɛno ne kwan no. . . “Monkɔduru hayi ara.” Nanso ɔmpɛ sɛ mo firi asase no so. Saa kwan no so na bonsam fa. ɔmpɛ sɛ wo bɛfiri ewiase nnoɔma mu; wo deɛ fa ewiase no bra asafo no mu.

119 Da bi, na me nam kwan so, ɛna me buee me kasafidie. Na nnwom bi wɔ so a—a wɔ hɔ, ɛna me kɔɔ so tieɛɛ, na na ɛsɛ sɛ metie, asɛ, nnwom no nyinaa, ansana meretumi akyere sɛ ebia ɛyɛ nyame nnwom kann, anaase bonsam pɛ sɛ ɔbɛma Nyankopɔn nnoɔma ɛne ewiase deɛ ayɛ pɛ. Worentumi nyɛ saa! Onyankopɔn nhu yɛn mmɔbɔ!

120 Memfa ho ne nnwom dodoɔ a Elvis Presley bɛtwɛrɛ, a ɛwɔ nyame nnwom papa no nyinaa mu. ɔdaso ara hɛ bonsam ase. ɔde mmɔfra bebree kɔɔ amanehunukrom, ɛne sini ahodoɔ a me nim, ɛwɔ ewiase nyinaa ɛwɔ da yi mmu. Pat Boone ɛne wɔn a aka no, na ɔkɔ Church of Christ; ɛne Elvis Presley, Pentekostefoɔ; wɔyɛ Yuda Iskariot a, ɔwɔ saa mmarima no suban mu. Bonsam rebɔ mmɔden sɛ ɔde Onyankopɔn mu nnoɔma a ɛwɔ soro no, bɛba fam sɛdeɛ wɔde bɛfra wɔ *ha*. Nnipa no renhwɛ soro ntra *ha*. Wɔn deɛ wɔhwɛ *ha*, ka sɛ, “ɛyɛ, ne nyinaa yɛ adekorɔ.” ɛnyɛ adekorɔ. Momfiri asase no so mpue.

121 ɔkaa sɛ, “Mo bɛtumi akɔ nna kakraa bi. Na monkɔ, montena asase no so.” ɛyɛ, na onim sɛ wɔbɛsane aba. Afei ɔhunuu sɛ ɛno renyɛ adwuma, enti ɔdweneɛ biribi foforɔ. ɔkaa sɛ, “Mɛkyere mo deɛ monyɛ. Monkɔ baabiara a mo pɛ sɛ mo kɔ, nanso mongya mo yerenom nyinaa, mo mma nyinaa, ɛne mo anantwie nyinaa, wɔ *ha*. Monya wɔn wɔ *ha*, na monkɔ.” ɛfiri sɛ, na ɔnim sɛ wɔwɔ ahodeɛ wɔ akyire hɔ, a ɛbɛdaadaa wɔn ama wasane aba wɔn akyi.

122 Na saa na bonsam no kakyere wo. ɛmere dodoɔ a wobɛgya ewiase mu nnoɔma bi asensene wo ho, wo daso ara pɛ sɛ wo nom tawa, wo pɛ sɛ wo nom nsa, wo pɛ sɛ wo siesie wo ho te sɛ ewiase, ɛno yɛ papa sɛdeɛ bonsam pɛ.

123 Me te bebree fa akyirisan ho. Me nyenni sɛ akyirisan bebree wɔ hɔ sɛdeɛ nkurɔfoɔ dwene sɛ ɛwɔ hɔ no. Wɔgya ahoyadeɛ bebree a ɛwɔ Misraim no ma ɛtwetwe wɔn sɛ wɔbɛsane aba wɔn akyi, ne nyinaa ne no. Akyirisan ɛnte sɛ deɛ wɔka sɛ ɛyɛ no a. Wogyaa ewiase no bebree wɔ akyire hɔ, ɛno na ɛdaadaa wɔɔ.

124 Onuabarima, meka kyere wo, bere a Israel siesie won ho wieee no, wo dasuo mu, na wowa biribiara a wowa no ewiase yi mu, waboaboa ano ena wasiesie won se wobeko.

125 Onyankopon nsoma zhyewbo te saa mmre yen. Yaboaboa biribiara ano, na yasiesie yen ho se yebeko. Anadwo dasuo mu nteamu no reba, "Monko nkohyia No." Ebeye se waboaboa biribiara ano. Ebeye se wonni hwee, ewiase yi mu, a eredaadaa wo asane akyire, nhoma biara a ebetwe wo aba fam. Boaboa wo ho. Momma yen nsiesie yen ho. Yereko.

126 Na monim biribi? Mekakyere mo, wadii nokore maa Onyankopon, ara kosi se Farao ho yeraa no anadwo dasuo mu, akaa se, "Mompue! Mompue, na monko. Momfa dee mo wo biara, na monko!"

127 Eye m'anigye paa se onipa betumi atena abene Onyankopon, kosi se bonsam renhunu dee ebeye no. Eno ye nokore. Monko! Monko! Monye setie mma Onyankopon!

128 Gyidie nti, zhunuu bhye no. Dee owo atekye, anaase dee onwo atekye, one Awurade kuo ketewa no a wabu won animtia no afa kwan baako so. Farao kaa se, "Momfa dee mo wo nyinaa na momfiri ha! Menhunu dee menye mo." Odi nokore maa Onyankopon ara se, gyidie nti.

129 Gyidie beye anwanwadee, se wobedi nokore ama Onyankopon a. Gyidie nti, yehu No.

Yen bere aso; bere atwam.

130 Nanso, gyidie nti, anpa yi, momma mo ani so. Monnhwe dee atwa mo ho ahyia, saa abeefo ewiase yi, na mmom monhwe na monhu Ono a Zhye bo no. Twere Kronkron no kaa se, "Yenhunu nnooma nyinaa yie seesei, nanso yehunu Yesu." Wo dee hwe No, anpa yi, na w'akwan besakyera.

131 Bere a yasi yen tiri ase yi, bere kakraa bi, ama mpaebɔ asem yi. Awurade mfa Ne nhyira ngu Nkransɛm yi so.

132 Monweneho mo akoma mu seesei. Worehwe nnooma a ewo wiase? Gyidie nti, wo hunu Yesu? Worehwe edin a wagyeɛ, w'asore? Dee wo gynabere tee wo ewiase? Anaase, wo hunu Yesu Ono a, mmɔborɔhunuu mu, ode Ne ho sii Osoro Animuonyam no nsa nifa, Ono a zhunuu amanee se mogya dansefoɔ, dee otene de maa dee ontene? Worentumi mma w'ani so na wonhwe saa Nkwa Dua no wo nohoa? Na, wo mfiri abodeemu nyansape ene nimdee dua yi ho, na wonsom No.

133 Wobere se yekae wo wo mpaebɔ mu ansana m'abo mpaee? Ma wo nsa so, ma abisadee biara a ehia wo. Onyankopon nhyira mo. Ohunu mo nyinaa mo nsa.

134 Se wo ye odeboneyeni a, ma w'ani so na hwe seesei. Se na hwee mfa wo ho a, se na wanya akasakasa nketenkete bi ene nnooma nketenkete bi a, nsonsonoe ben na eye? Worebewu nna yi mu baako. Da ben? Ebia enne! Wo nnim. Donhwere baako

firi seesei, ebia na wo wɔ amanehunukrom, anaase ebia na wo wɔ Ɔsoro ahemanmu. Nanso ɛsɛ sɛ wo yi bi seesei. Sɛ biribi wɔ wabrabɔ mu a ɛnye papa a, yi bi seesei, gyidie nti.

¹³⁵ Wo ka sɛ, “Ɛye, sɛ anka mɛtumi ne ɔbaa no atoto a! Sɛ anka mɛtumi ne ɔbarima no atoto a!” Ɛmfaho ne deɛ wɔn ayɛ, yi Nkwa. Yi Nkwa.

¹³⁶ Ɛfiri sɛ, Yesu kaa sɛ, “Sɛ wɔamfiri w’akoma mu amfa obiara mfomsoɔ ankyɛ no a, saa ara nso na wo Soro Agya remfa wo deɛ nkyɛ woɔ.” Enti tie ɛno yie. Sɛ wo wɔ biribi ketekete wɔ w’akoma mu tia obi a, ɔdebɔneyeni anaase ɔhoteni, worekɔ amanehunukrom.

¹³⁷ Afei ma w’ani so. Ɛdeɛn na wo hunu, wo tamfoɔ? Anaase, wo hunu wo Gyefoɔ? Ɛdeɛn na worehwɛ no anɔpa yi?

¹³⁸ Sɛ wo yare, na wo ɔɔkota ka sɛ worentumi nya ahoɔden a, ma w’ani so, hwɛ asennua no, baabi a yen mmarato nti na wɔpiraa No, na Ne mmaa ntampeɛ na wɔde asa yen yadeɛ. Nhwɛ deɛ ɔɔkota no aka; ɔde abɔdeɛmu nyansapɛ na ɛreyɛ adwuma. Gyidie ye adwuma wɔ Honhom ɛne Onyankopɔn tebea mu. Momma yen nnwene saa nnɔɔma yinom ho bere a mo ama mo nsa so yi. Onyankopɔn ahu ne nyinaa.

Momma yɛmmɔ mpaɛɛ.

¹³⁹ O Daa Nyankopɔn, wɔ saa ɔsom yi kommyɛ mu seesei no, Nkransɛm no aba yi akyire no, ɛmma saa W’Asɛm no aba no, Awurade, nkɔgu aboɔ so. Ɛmma Nkransɛm no, Awurade, nkɔgu nkasɛɛ, nkyɛkyɛɛ mu, a asetena mu adwendwene (te sɛ Lot) amiamia no, wɔ awiɛɛ no, wannyi no totwene. Mmom, O nhaira Nyankopɔn, ma no nkɔgu asase pa a ɛye so, akoma a ɛredi bɔne ho yaw so. Ɛne me deɛ, nso, Awurade, sɛ yen nyinaa behwɛ Onyankopɔn ahwehwɛ no mu, na yahunu Awurade Yesu Asafo a wapo no, nkurɔfoɔ a wapo wɔn no, ɛkwan a wapo no, na ma yen nante wɔ saa animuonyam kwan no so.

¹⁴⁰ Sɛdeɛ Mose, na ɔnnim baabi a ɔrekɔ. Na nkurɔfoɔ no nnim baabi a wɔrekɔ. Na wɔnnim kwan a wɔrefa so. Wɔfirii aseɛ.

¹⁴¹ Na, O Awurade Nyankopɔn, bere a wɔreto saa nnwom dɛɛde yi, gyidie nti yetumi hunu saa Asase no akyirikyiri. Ma no nye seesei ara, sɛ mmarima ɛne mmaa a wɔwɔ ha rennwene deɛ ewiase beka ho, anaase sɛnea wɔrekɔ. Ma wɔnsɔre wɔ wɔn honhom mu, na wɔnkɔ.

¹⁴² Mose dii Hann no akyi, na Ɛdii no kan kɔɔ bɔhyɛ asase no so. Na ɔnnim baabi a ɔrekɔ, nanso ɔnantee wɔ Hann no mu, kɔɔ saa asase a ɛhyerɛn sene adekyɛɛ no so.

¹⁴³ Ye ma yen, Awurade, ɛnne, sɛdeɛ dodoo a ɛwɔ ha bɛnante Twɛrɛsɛm no Hann no mu ɛne Honhom Kronkron no ayɔnkofa mu, na ɛne Asafo no; Asafo no, Abakan-no, mmɔfra a wɔawo wɔn foforo na wɔagye Kristo, na Honhom Kronkron no ahyɛ wɔn mma, na Honhom no di wɔn kan. Ma yɛnnante wɔ saa ayɔnkofa

yi mu, nkabom mu, εfa Onyankopɔn nnoɔma ho, yeresom No wɔ asubɔ mu, wɔ setie mu akɔ Ne wuo, osie, ene owusɔreɛ mu. Ma yensom No wɔ Na hyɛdeɛ mu, “Montwene wɔ Yerusalem nkɔsi se mobɛnya Tumi afiri Soro.” Ma yensom No wɔ Nyankoma ayaresa mu, yerebɔ mpaɛɛ ama ayarefoɔ. Ma yensom No wɔ nkitahodie mu, paanoo bubuo mu, ene akoma baako mu, ayɔnkofa wɔ Onyankopɔn Asem ho. Ma yensom No wɔ Ne Nyankoma nnoɔma nyinaa mu, kɔsi sɛ yɛbɛhunu Asase no. Yɛ ma yɛn, Awurade. Tie yɛn mpaebɔ, bere a yɛde ne nyinaa rema Wo seesei, εwɔ Awurade Yesu Din mu.

¹⁴⁴ Afei bere a yasi yɛn tiri ase yi, komm mu, bɔkɔɔ mu, momma yɛnto saa nnwom yi. Afei yei yɛ ɔsɔreɛ. Nkransɛm no aba awiɛɛ. Ma obiara nnkɔ. Wo deɛ yɛ dinn. Momma yɛnsɔre.

¹⁴⁵ Nkransɛm no yɛ ateneatene. Dwene ho seesei deɛ wayɛ, deɛ εsɛ sɛ anka wo yɛ, deɛ εmaa wo yɛ deɛ wo ayɛ εnne. Deɛ εma wɔbu wo fɔ, εnne, ene sɛ wo yɛɛ biribi εnnora. Edeɛn na εbɛyɛ ɔkyena? Tenetene no εnne, na wobɛnya faahodie ɔkyena. Wohu? Eɛ sɛ wo yi bi. Eɛyɛ den na wobɛtumi ayɛ? “Gyidie nti, me gyae biribiara mu seesei. Me gyae biribiara mu seesei, na da bi merekɔ Hɔ.”

Wɔ εde no mu nkakra nkakra,
Yɛbɛhyia wɔ saa fɛɛfɛ- . . .

Sɔre Awurade wɔ wo honhom mu seesei.

Wɔ εde no mu nkakra nkakra,
Yɛbɛhyia saa Asafo a wɔabu no animtia no.
(Ekorɔ no ayɛ den, nanso yɛbɛhyia da bi.)

Yɛdema yɛn soro Agya ɔdefoɔ no,
Yɛde yɛn ayeyie nsem bɛma,
Esiane Ne dɔ animuonyam akyɛdeɛ no,
Ene nhyira a εma yɛho hyɛren . . .

Yene Awurade kuo ketewa no a wɔapo wɔn no, gyidie nti, mayi.

Wɔ εde no mu (wɔ εde no mu) nkakra . . .
(nkakra ene nkakra)
Yɛbɛhyia wɔ saa mpoano fɛɛfɛ hɔ; (nkakra ene nkakra)
Wɔ εde no mu (wɔ εde no mu) nkakra ene nkakra,
Yɛbɛhyia wɔ saa mpoano fɛɛfɛ hɔ.
Asase bi wɔ Hɔ a εyɛ . . .

Sɔre No. Yei yɛ ɔsɔreɛ.

. . .gyidie a metumi hunu,

Gyidie nti me yi me deɛ.

Oh, Agya no retwene . . .

¹⁴⁶ Me hunu Awurade deɛ nyinaa wɔ Hɔ; Onuabarima George, Onuabarima Seward, ahotefɔɔ no nyinaa.

...ama yen beaɛ a tenabea wɔ Hɔ. (Aane, Awurade!)

Nea eyɛ de no. . .

¹⁴⁷ Ne papa, Howard, Edward, ahotefɔɔ nnamfɔɔ dada no nyinaa a wɔfaa Kwan no so, akyire hɔ nohoɔ, beɛ tentene a abɛsene kɔ.

Wɔ ɛde no mu (Aane, Awurade!) nkakra ene nkakra (nkakra ene nkakra),

Yɛbɛhyia wɔ saa mpoano fɛɛfɛ hɔ.

Yɛbɛto nnwom wɔ saa fɛɛfɛ-... (O Nyankopɔn!)

Wɔn a wahyira wɔn nnwom dɛɛde no, (Animuonyam nka Onyankopɔn!)

...renni awɛrɛhoɔ bio,

Ahome kokoɔ nni saa ahomegyɛe Beɛ hɔ.

Wɔ ɛde no mu, ɛde nkakra ene. . . (nkakra ene nkakra)

Yɛbɛhyia wɔ saa mpoano fɛɛfɛ- . . .



GYIDIE NTI NA, MOSE AST58-0720M

(By Faith, Moses)

Saa Nkransɛm a ɛfiri Onuabarima William Marrion Branham yi, ɔkaa no wɔ Brɔfo ankasa mu wɔ Kwasiada anɔpa, Kutawonsa 20, 1958, wɔ Branham Tabernacle a ɛwɔ Jeffersonville, Indiana, U.S.A., wɔyi firii nea wakyere agu ahoma so na wɔatintim no sɛdɛɛ ɔkaa no ara wɔ Brɔfo mu. Saa nkyeraseɛ a ɛwɔ Asante Twi mu yi Voice of God Recordings na ɛtintimiɛ na wɔkyekye.

ASANTE TWI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Suayε Tumi Ho Nkaebo

Ɛho tumi nyinaa ye twerefoɔ no dea. Saa nwoma yi wobɛtumi atintim no afidie so wɔ ɛfie afa anaa sɛ wo bɛkyekye, a worennye sika, sɛ biribi a ɛbɛma Yesu Kristo Asempa no bɛtrɛ. Worentumi ntɔn saa nwoma yi, ntintim no pii, mfa nto website so, mfa nsie wɔ afidie biara mu, nkyere aseɛ nkɔ kasa biara mu, anaa mfa nsrɛsrɛ sika wɔ bɛrɛ a wo nyaa akwanya krataa a ɛfiri Voice of God Recordings®.

Sɛ wopɛ ho nsɛm anaa nnoɔma bi a ɛwɔ ho a, me sɛrɛ sɛ twerɛ kɔ:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org